欽 定 全 唐

馬上	是 · · · · · · · · · · · · · · · · · · ·	武官授折衝果毅等制	馮少端等湖南軍將授官制	景思齊授官知宣武軍進奏官制	除道州長史等制	賴師貞除懷州長史周少庸除號州司馬王桂百	柳師元除衛州長史知夏州進奏等制	上 杜 牧 三	欽定全唐文卷七百五十目錄
----	---	-----------	-------------	---------------	---------	---------------------	-----------------	------------------	--------------

制
劉全禮等七人除內侍省內府局丞置同正員等
朱能裕除景陵判官制
周元植除鳳朔監軍制
王元有除右神策軍護軍中尉制
武易簡量移梧州司馬制
姜閱貶岳州司馬等制
李玕贬撫州司馬制
王著貶端州司户制

欽定全唐文卷七百五十 沙州專使押衙吳安正二十九人授官制 燉煌郡僧正慧苑除臨壇大德制 吐突士煜妻封雁門郡夫人制 契丹賀正使大首領等授官制 新羅王子金元宏等授太常寺少卿監丞強 黔中道朝賀訓州昆明等十三人授官制 黔中道朝賀牂牁大首長等十六人授官制 西州回鶻授驍衛大將軍制 **环权康妻房氏封河東郡夫人制** 目錄

訓賜御礼提與逸將表	賀生擒衡州草城鄧裴表 爲中書門下請追導號表	碑文表		黄州刺史謝上表	等轉官制,	覃恩昭憲杜皇后孝惠賀皇后淑德尹皇后孫姪	授劉縱祕書郎制	
-----------	--------------------------	-----	--	---------	-------	---------------------	---------	--

不	謝許受江西送與韋丹碑綵絹等状論閣内延英奏對書時政記狀	又代裴相公謝告身鞍馬狀又謝賜茶酒狀	壽昌節宴謝賜音樂狀   又代謝賜批答表	事表
---	----------------------------	-------------------	---------------------	----

上刑部崔尚書狀	上淮南李相公狀	代人舉蔣係自代狀	<b> </b>	
---------	---------	----------	----------	--

欽定全唐文卷七百五十 勞能遷與正名亦其常也各宜專謹勿雅悔尤可依前件 钦定全事文一人卷七百五十 察御史上柱國柳師元等將軍護塞師元主雷即之職從 勃夏州節度押衙知進奏朝議郎前權知杭州長史兼監 瑜繼 也以墨線徇 公喪葬告滿珪專書府聚委之務成有 杜牧三 頼師貞除懷州長史周少鄘除號州司馬王桂直 柳師元除衛州長史知夏州進奏等制 除道州長史等制 杜牧

藩哥邸之事少郡專史閣錯雜之務皆公謹歲久官次宜 前兼亳州長史殿中侍御史上柱國頼師貞等師貞主上 縣勢如燎火蓋不得已遂至翦伐桂直用命 **勃鳳翔府節度押衙知進奏銀青光禄大夫檢校秘書監** 初宣武軍節度押衙知進奏起復銀青光祿大夫檢校· 念功勤宜有褒賞名郡上佐帖以憲秩耀爾軍旅可增義 元爽俾佐郡符亦有可取湖外飢人相聚為寇蕩覆鄉 景思齊授官知宣武軍進奏官制 舉滅之言

諫周豹二人委本道量事優獎官健陛滿等一百二十 欽定全唐文 卷七百五十 **勅湖南同團練副使馮少端等皆長沙勇士同雅兇徒言 祿勉於忠勤可依前件** 稱特加恩龍非用雞章耀爾轅門以增忠壯可依前件 念功勤咸宜升獎帖之憲秩武以崇班名郡掾曹亦為美 等咸以謹密能膺任使或外除喪服或超授新命不失職 子賓客兼歙州司馬上柱國景思齊等諸侯之任各有職 小者得循事例大者决於朝廷聞白啓導屬在畱邸爾 馮少端等湖南軍將授官制 杜牧

加賞給 人弩手并子弟周質等四百八十五人并委本道酌事量 奮於下位之中但使披文空增拊髀並可依前件 以進立戰功至將軍者眾矣自府兵一廢名存實亡今之 來者豈其人哉近以邊障隙開寇或患結豈無萬人之 勅 朕聞先王之理也設法誤罹雖上 具官某等夫折衝果毅皆吾武位以延勇士國朝用 武官授折衝果毅等制 張直方贬恩州司户制 大必赦不忌故犯縱

光祿大夫檢校刑部尚書兼左聽衛大將軍御史大夫張 欽定全唐文人卷七百五十 素色教義退之散秩以懲非心俟其找找舊痕消洗前過 手作橫日甚而不自知滿於聽聞豈可悉數禮曰凡有罪 鞭小過而至死作禁軍統去異縣而恣遊尚以生自邊睡 直方念以來朝嘉其慕善付之龍祿頗極尊樂為執金吾 必誅況乎凶狠不悛罪戾日積更欲於免其如法何銀青 惡屏於四裔不酉中國唯舜能之況堅頑有不移之姿網 必欲牽復用存始終豈暴虐得於天生險悍著於心本抵 刑憲縱恣智臆法所惡者爾皆為之白畫九衢指摘萬 杜牧

**殺備見罪狀幸以得無通負可以於寬為列郡之旅曹操** 北 羅無優開之典荒服作據猶曰寬恩爾能自新豈惜後命 物守愛州九真縣尉員外置同正員王者漢家之制雖丞 日天子拊髀之時命守關防以為遮扞而乃占役兵糧自 相子亦當戌邊隋文之令益邊穀一升坐法斬首盖以西 可守思州司户参軍員外置同正員仍即馳驛發遣 鎮戌華夏保障法茍不立所處非細爾當羌寇犯塞之 備直屏之荒服以謹其類乃令厥子叶閣稱冤再命坐 王著贬端州司卢制

次是主五人是上百五十 贵坐有大第官為亞卿母子異居僅將十載有司彈劾事 狀昭著於吾用法爾當何罪俾佐名郡尚曰寬恩可守撫 年風俗忠厚教化之本豈先斯乎爾爲將相之家窮極富 州司馬員外置同正員仍即馳驛發遣 史平嗣光閼温凊之禮遂奪其官放歸田里是故四十 同正員仍即馳驛發遣 朝散大夫守光禄少卿李玕昔開元致理之初冀州刺 李玕貶撫州司馬制 尉足得循省吾不負人可守端州司户參軍置 杜牧 **5** 

能 前件仍並馳驛發遣 是誰之過言於末減朕不敢議各宜佐官用正典刑可依 **陵泉侵攘法物聞之震驚爾等官業在於守奉懈怠所致** 勃朝議郎前守景陵臺令上柱國姜閱等盗逆無狀輒犯 于禁實得中道力不足者法宜矜馬守臣教爲吾爪牙能 勃守崖州司户参軍員外置同正員武易簡寇來乗城不 多りとスコーラニョ 死節以此播棄爾亦何辭然漢誅李陵是為虐典魏拾 武易簡量移梧州司馬制 姜閱貶岳州司馬等制  $\nabla$ 

食邑二千户王元宥儉而多才忠而能力事君盡禮處已 騎大將軍行右威衛上將軍知內侍省事上柱國晉國公 次定全事文一卷七百五十 漢差强人意非韓信無可計事是以輟自心腹寄兹爪牙 無私自主樞要益見誠信令者十萬全師北落禁旅視吳 勃繁纓趨朝交戦入侍委以兵衛固須信臣內樞密使驃 大僚百司庶尹率能守此可期治平各宜盡規朕不惜命 與别白使易簡導生還之路朝廷無失入之刑咨爾三事 可守梧州司馬員外置同正員 王元宥除右神策軍護軍中尉制 杜牧 五

紫金魚袋周元植事君以敬處仕無私節操凌霜而不彫 軍 省事充右神策軍該軍中尉兼右街功德使散官勲封 有侵害勉酬倚任以報君親可行右聽衛上將軍知内侍 撫宜崇班秩鳳翔監軍使銀青光禄大夫右領軍衛大將 勃控泰塞之西扼胡苑之左乃雖岐隴為國藩牆命以監 故 以盡爾村出於余志爾戢敏豪猾整肅威容無使鄉間 金与三月一一ラニョー 員外置同正員上柱國汝南郡開國公食邑二千戶賜 周元植除鳳翔監軍制

買言念西塞未得高枕用其聲實以護藩垣夫處於兵式 劫新授景陵判官上騎都尉朱能裕朕以橋山弓劍渭北 衣冠霜露之心悽感常切以汝端謹有守操尚無尤常在 時思垂美在此二者汝其勉之龍以內省之崇仍兼將軍 之贵往服休命無忝恩樂可守右監門衛大將軍知內侍 子今誠汝無怨不過於遠利伏眾真若於律身立事成功 肝膽開忠而洞見謙以自得高而益兢累監三軍推誠 省事散官熟封賜如故依前監鳳翔節度兵馬 朱能裕除景陵判官制

欽定全唐文 卷七百五十 故 旁側備見忠孝用是獎擢爰資守奉夙夜勤敬無忝委 歲時合霑班秋各宜敬恭職祿不懈忠勤可依前件 **勑賜緋魚袋上柱國劉全禮等置在旁側皆有才能旣悉** 將住郎內侍省掖庭局宮教博士員外置同正員餘如 劉全禮等七人除内侍省内府局丞置同正員等 宋叔康妻房氏封河東郡夫人制 制 杜彬

箭軍器等使特進行右領軍衛大將軍知內侍省事上 たことにまた。たこうこ 國陰山縣開國公食邑一千五百户吐突士煜妻咸陽 **動詩美夫人禮稱內子允膺腹心之任宜從家室之祭弓** 舉典章可服龍樂勉於輔佐可封河東郡夫人 族成此內則穆其壺風稱為令人實光婦道爰疏封爵用 妻清河縣君房氏懿慈柔淑作配忠勲能潔蘋繁克叶 知内侍省事上柱國廣平縣開國侯食邑一千户朱叔康 神策軍護軍中尉兼左街功德使特進左領軍衛大將軍 吐突士煜妻封雁門郡夫人制 杜牧

劫其臣等感恩知義奉贄不闕居大海之外為有禮之賓 祭道陸姻親旣皆閨門克成婦德爰加禮秩之貴以彰輔 永作藩屏並可依前件仍並放還蕃 爾國是也自列國鄉至於署还皆吾文吏之選次第授爾 佐之勤樂我疏封無忘內助可封雁門郡夫人主者施行 君田氏生於富貴作配忠貞柔婉自卑儀範可則職勤賓 亦所以表他國不同禮也將我恩龍耀爾殊隣慎勿怠達 新羅王子金元宏等授太常寺少卿監丞簿制 西州迴鶻授驍衛大將軍制

たころうし、たこうこ 爵舉以授爾用憲殊隣無忘敬恭宜念終始可雲歷將軍 浴子之爵西漢有隰陰之封考於經史其來尚矣西州牧 守在驍衛大將軍外置同正員餘如故 長頗有智謀今者交臂來朝稽額請命丈組寸印高位重 首頡干伽思俱宇合逾越密施莫賀都督宰相安寧等忠 勃沙州專使衙前左廂都知押衙吳安正等自天寶以降 勇奇志魁健雄姿懷西戎之腹心作中夏之保障相其君 勃古者天子守在四夷蓋以恩信不虧羈縻有禮春秋 沙州專使押衙吳安正二十九人授官制 杜牧

多另 在屋文 光十正五十 奉事長帥將其誠命經歷艱危言念忠勞豈吝酹位官於 於盛時李陵教射之奇兵無非義旅爾等成能竭盡肝 武衛仍峻階級以慰皇華用震殊俗可依前件 中原多故莫大於廣盜取西睡男為我臣女為戎妄不暇 爰披地圖實得天險遂使朝廷聲聞聞於燉煌爾帥議 吊伐今将百年自朕君臨豈敢偷情乃命將帥收復七 能抗忠臣之丹心折昆夷之長角寶融西河之故事見 燉煌管內釋門都監察僧正兼州學博十 燉 煌郡僧正慧苑除臨壇大德制

空惡殺義勇者徇國忘家稗助至多品地宜峻領生徒坐 父子之義教爾青襟開張法門題白三道遂使悍戾者好 於學校貴服色舉以臨壇若非出羣之才豈複兼祭之授 利根事佛餘力通儒悟執迷塵俗之身譬喻火定舉君臣 勒幽州道入朝賀正契丹大首領討魯等天子有道守在 勉宏雨教用化新邦可充京城臨壇大德餘如故 四夷爾今來朝子亦增愧級之玉帛紫以班秋宜懷恩龍 大藩久陷戎壘氣俗自異果產名僧彼上人者生於西土 契丹賀正使大酋領等授官制

欽定全唐文 卷七百五十 被 刺史堪阿蒲等招攜以禮懷遠以德此國家所以殊俗首 頂 勃點中道朝賀牂牁大首長揮兖州刺史趙瓊林等夫西 初點中道朝賀訓州昆明繼襲部落主嗟阿如弟攝訓 南諸國自古多順在法度之外居繩墨之表來朝有禮婦 永保封疆可依前件仍並放還著 不關玉帛以將厚意階級以峻等表各服龍祭無忘於 可任前件仍並放還著 點中道朝賀牂牁大首長等十六人授官制 黔中道朝賀訓州昆明等十三人授官制 杜牧

勞之後極極於塵土中也可秘書省秘書郎 事皆思思可聽公侯子弟多獨於驕邪爾能讀書學文自 粉具官劉縱徒步詣闕上獻封章又自敘其先臣陳許間 爾思樂無警邊睡以念終始可依前件仍並放還著 **鸭不倦命舌人以通志意委屬國以厚宴享仍峻階級式** 可嘉與圖籍之府命爾為郎豈惟振滯求能且不欲使熟 覃思昭憲杜皇后孝惠賀皇后淑德尹皇后孫姪 授劉縱秘書郎制 等轉官制 上女

欽定全唐文·卷七百五十 部有司博求其世爾等名在戚里序于王朝各因其官增 位 來任職使府雖有官業不親治人及登朝二任皆參臺閣 臣某言臣伏奉某月日勒旨自某官授臣黄州刺史以共 劫某等子大祭于廟桃而哀夫先後之家寝替而不章乃 詔條政之善惡唯臣所繫素不更練兼之昧愚一自到任 以游無事止奉朝謁令者家恩擢授刺史專斷刑罰施行 日到任上說臣某誠惶誠恐頓首頓首臣某自出身口 等冀以上稱神靈之意豈特慰子追遠之心可嗣 黄州刺史謝上表

夢澤南古有夷風今盡華俗戶不滿二萬稅錢才三萬質 憂傷不勝動作舉止唯恐罪悔伏以黃州在大江之側雲 爲明主不信德教專任刑名二主相繼聯續五十年當時 飲定全事文人长七百五十 循吏衛與任延王景魯恭劉寬陳龍之徒止 不為罪惡臣雖不肯亦能守之然臣觀東漢光武明帝 風俗謹朴法令明具久無水旱疾疫人業不耗謹奉貢賦 以深刻刺舉號為稱職治古之風廢俗吏之課高於此 狗時俗自行教化唯德是務愛人如于廢鞭笞責削之 用忠恕撫字之道百里之内勃生古風凡違眾背時 杜牧 一縣宰獨能

治古之人以一時之法齊之即一時之人國家自有天 古非今王者公侯尚難其事豈一縣宰能移其俗此蓋漢 難作者相繼土地甲兵權柄號令盡非我有終能擒之此 位已來重罪不殺小過不問普天之下蠻貊之那有罹製 質思澤慈愛入人骨髓俗厚風古不可摇動今自陛下即 已來二百三十餘年間專用仁恕每後刑罰是以內難 十四聖之生育張二百四十年之基宇臣於此際為吏長 人之爲治以古人之法爲一時之法以治古之教教之即 存卸聖明容哲廣大慈恕遠僻隱阪無不敬戴受

同慶道路惟呼臣誠慶誠扑頓首頓首伏以上天有蹇 臣某言伏奉三月二十七日物党項剪除北邊寧靜華夏 次定全与文、长七百五十 神盛等流平無窮在臣之心則然豈材術之能及無任感 不馬虚受蒸其和風感其歡心庶爲端爲祥爲歌爲詠 必躬問撫庶使一州之人知上有仁聖天子所遣刺 戮王者有攻討誅夷是以不暫費者不久寧不 怕懸血誠之至謹奏 敢不遵行國風彰楊至化小大之獄必以情怒孤獨 賀平党項表 杜牧

降界置於河南不數十年果殘燕趙與師命將輸穀 零於內地東朝馬文泉置當煎於三輔自後熾大侵亂關 狄攻魯北戎病齊破衛陵燕侵秦撓晉西漢趙充國納 不永逸伏以自古夷狄處中華未有不爲患者春秋時 之初突厥破滅太宗感彦博之利口忽文貞之成算處 居之元海傑然首亂華夏中原喪没凡數百年國朝貞 不能減後至曹公因匈奴衰弱分為五部處在汾晉散 戰爭十年騷擾四海陵逼京邑發掘園陵段頻不生 · 縣然始能珍滅是知今古夷狄處在中土未有不為

帶兼服征徭角觡旣成觚觸是務天實至德之際北熊偏 戾氣為西戎所壓舉種來降國家納之置於內地爰受冠 亂者伏以党羌雜種本在河外生西北之勁俗稟天地之 重中原一掀大歷建中之際逆胡餘波巨盜再起党羌因 結羣大叶牙依據深山出沒險徑近在宇下游於彀中 之質張忿鸞之兇却饋穀以焚舟殺軺車而閉道眾虺盤 是邊疆日財種類歲繁每至勁弓折廖童馬免乳以魁健 此亦恣猖狂冤伏鳥飛為戎虜之耳目狼心梟響作郊畿 At a borner of the set with · 殘賊比以同鶻未於吐蕃正强且須羈麼未可重擬於 肚牧

金万百是了一大八下五十 聚米而兵形盡見披其要地擣以奇兵獸窮摶人庭急走 難已來不能剷削伏惟聖敬文思和武光孝皇帝皇天統 靡有定此言中國不振蠻夷入伐下人號天以告亂也復 阻之中或以利戈春帐或以長矛挾骨僵屍積壁干山之 險囊封亦白雜沓繼來维走檄書遠近同至蘇辛卒祭俱 **福哥狼星敏角成日禱馬太白揚眉校瑣而邊事無遺** 不飛腥污電轟喧萬里之威靈大震詩曰不弔吳天亂 日資明威極風霆謀先造化潛運客算獨決神機軍 丁萬齊呼四面同入行軍於杭席之上敗廣於險

過之誠史供非類之言若不珍除何為家國自此兵為農 空過流年徒生聖代尚能為詩見志作歌極情上 器革作軒車泥紫金於常山沉殘戎於青海天覆盡得 表陳賀以聞臣誠惶誠恐頓首頓首謹言 貞遠超三代之風使無一人之獄臣僻左小郡樸椒散 盡無遺統華夏爲一家用夷狄爲四守萬物由道百度皆 垂後代限以守土不獲稱慶無任两躍款悉之至謹奉 王薄伐小雅中與是知武功不成文德不治鼻陶 進 ) 撰故江西韋大夫遗爱碑文表

多年生生文 光七百五十 祭爲懼伏以洪爲州府逾於干年言念疲羸常患水火! 如及掌是以兵刑指寢年穀豐登而猶念切疲人及於 比伏惟皇帝陛下陟降順帝施設如神納諫若轉在去 跡特建宏謀凡三年苦心去干歲大患兼之灌溉種時 俗如此改革無因幸丹受朝廷分憂為百姓去弊不踐其 臣官卑人微素無文學恩生望外事出非常承命震驚以 一 細幸丹已效之績慰江西去思之心特與彰揚創為 衣食渤海顏川之治邵父杜母之恩校之於丹未足為 臣奉某月日初牒今撰故江西觀察使幸丹遺愛碑

受曲被之恩私如生羽翼報非次之拔擢宜裂肝肠無任 たころうと、そこのえ 記是宜使內直學士西披辭臣振發雄文流傳後代至於 感激恐怕血誠之至其碑文本謹隨狀封進以聞謹奏 次述章丹在任為治之功事必直書辭無華飾所冀通**衢** 臣某等言伏以收復河湟廓開土宇北絕梓積西過榆 者最為都恆明命忽臨年讓無路俯仰慙懼神魂驚飛 建百姓皆觀事事彰明人人曉會但率誠樸不近文章 不敢深引古文廣徵撰學但首我元和中與得人之盛 爲中書門下請追尊號表 杜牧 生

金片在库文一港上下五十 神功超今越古某月日臣某等於延英殿面奉德音陛下 家之為治也溢三皇之軌蹋奮百代之上下天寶之末天 子劉嗣書生東據石頭西斷劍閣朝廷所有唯止兩京伏 北中夏起塞之雄奪西戎理弓之地至使强虜不敢觸鋒 臣苟且之令行畫一之法發月增日長雄唱雌和李绮宗 元之際河北河南之地朝廷行姑息之政郡國皆叛亂之 以尅定舊聽獲承先志歸功祖考追尊鴻名臣等伏念國 山鎮七關地關千里歌狸首而息射詠秋杜以勞旋聖德 下泰寧恃富庶而醉飽無虞韜干戈而兇逆潛作大歷貞

事不言皆獲甄升豈唯假借夫仲尼以三人有我師大禹 賢親莊正之人去側媚之士然後提挈綱紀震疊雷霆誅 夷羣光灑掃四海百度如律九功可歌天業益張聖統無 也開張聰明延納諫諍守職業者無職不舉被言責者無 帝陛下修先王之大道行天下之達德廣問延諫褒直盡 惟元和之初實開中與之業伏惟聖敬文思和武光孝皇 下首雪冤獄常對法官是則虞舜恤刑文王慎罰無以過 極詩曰惠我無疆子孫保之復曰周雖舊那其命維新伏 惟憲宗皇帝順上帝之心酌列聖之法爵不踰等舉不失 杜牧

聖敬文思和武光孝皇帝陛下畜客算於霄漢之表畫聖 充四海輸賦養兵不足廣川薦草盡為所有健兵体馬 湯銘曰日日新是陛下之德有以過之仲尼曰禹立三年 欽定全唐文、卷七百五十 可當鋒雖李廣材能充國沉勇但能閉壘豈敢交綏伏惟 古無之包有引弓之人盡為跨馬之國天下獻力備邊不 夜觀書日是聽政下採人廣上求天瑞帝典曰聖敬日齊 百姓以仁仰陛下之至理知孔聖之可驗夫西戎强盛自 以百姓手足皆安於措置四海風俗益臻於平和尚猶午 以愚夫能勝子是仲尼之好問大禹之拜言無以過也是

謨於造化之先捕虜將軍射聲校尉羽林突陣之騎酒泉 校射之兵親自指蹤同時受命信星效社靈旗呈祥壁壘 嚴嚴而洞開渠魁緊緊而自縛解辨削私投戈委弓懾怛 方三年乃克尚書班史稱德詠功今陛下用仁義為干戈 西域而立幕府鄭古之理鳥壘班超之鎮他乾大庇生人 威靈歡呼冠帶破種徒域空漢靜邊指北海而封燕然中 洗八聖肝食之恨雪百年七地之羞小雅盡與大業無極 以恩信為疆場所求必至有關必先不遗一矢不頓 寬天下昔漢武帝之逐北虜四海耗半般高宗之伐鬼! 杜牧

|黨等伏以湖湘早耗百姓飢荒遂有奸兇敢圖嘯聚令承 一致定金唐文一卷七百五十 為而不有歸功先帝禮曰天子有善上讓於天仲尼曰武 擒滅已盡根株臣等誠惟誠忭頓首頓首臣聞三代之英 伏聽勅旨 謙讓之道符於禮經繼述之孝稱於孔聖臣等待罪宰相 目親昇平謹具太常追尊順宗皇帝憲宗皇帝盜號如前 臣某等言伏見湖南團練使奏生擒衡州草賊鄧裴及徒 周公其達孝矣乎盖以善於繼述能光祖考今者陛下 賀生擒衡州草賊鄧裴表

鄧裴一 耶生慎由指揮義徒總齊武士仰憑睿算遠仗皇威不 黨合事鉅寇牢或據深山或閉官道遂使湖嶺之外人不 便生伏惟聖敬文思和武光孝皇帝陛下威極風霆德滋 無非帝力臣等備位台鼎日奉聖謨無任忭舞慶快歡 歲時盡剪豺虺党項已寧於朔北妖黨復珍於巴西今擒 雨露正開壽域盡納羣生永戰干戈將臻富庶逆賊鄧裴 兩漢之盛姦完亂常之類挺災構逆之黨乗間即有遇 爾小孽敢因親食漸誘飢人剝亂鄉問陵驚郡已徒 清湖嶺用夷狄為四守統華夏為一家言念秋毫 

致完全虐文 港七百五十 位射司親奉睿旨銘鏤肝局專令防虞無任忭躍屏營之 但恣於侵貪或不事其兵食須有戒勵形於詔書此乃周 邇安寧今者尚以戊邊未得高枕深憂將帥不副憂勤 伏以陛下自即位已來正朝廷而舉典法肥天下而壽羣 伏奉宸翰以邊塞未靜將帥乏才唯務誅求不謀兵食者 踴躍之至 生故能不血刃以收河湟用文語而降羌寇干戈偃戢遠 小心克動大禹不自滿假比於聖德無以過馬臣等備 謝賜御礼提舉邊將表

於禁組言功之大與食爭先陛下仁德動天雨澤順序 桑沃若蠶女工勤晶比凝霜紫如委霧廟稅不道於鄉 久三とこましてたこうえ 臣某言伏奉今月日制書除臣某官同中書門下平章事 右中使某至奉宣聖旨賜臣等新絲者伏以繭蠶所繁在 被覆皆徧於華夷盡荷皇慈同歌帝力臣等備位台席親 逢盛時無任踴躍數忭感恩之至 代裝相公讓平章事表 謝賜新絲表 杜牧

瞻豈伊小臣而膺大任今朝廷髦俊並作名德森然或多 金 気 有足ン一光十下豆十 **愁点官皆有功實或四方屏翰已者勲勞舉而用之無不** 雖竭盡疲爲欲裨萬一而才智疎拙不效涓塵夫宰相之 貢地官等財威無政能粗免您闕及擢為筦權累受龍祭 邦自顧才能已是踰越陛下獎遇不次拔擢過分春聞典 首頓首臣本書生仕逢聖代掌給言於西掖作藩守於名 祇奉成命進退失圖棒部兢惶銜思戰慄臣誠惶誠恐頓 任前賢有言如涉川有舟如幽室有燭代天理物爲人具 可者如臣凡淺豈宜委任伏乞俯迴天鑑更擇時賢必能

彩解自我真迴聖鑑更擇時賢豈意容旨重臨論言再一 次主全哲文 ₹ 長上了五十 頓首頓首臣昨奉詔書付以魁柄自顏斗管之器樸嫩之 仰永鴻澤跪奉芝緘戰越失圖放處無地臣某誠惶誠恐 丹青帝圖金玉王度使微臣無尸禄之前聖主有得賢之 臣某言臣伏奉今月日批答令臣宜斷來表不許牢讓者 名非唯微臣獲安實亦天下幸甚無任烟懇血誠之至 謝天類進見卿士樂恭既積憂惶實深是以拜草上 乗恩龍時竊棟梁任只合效蔡謨堅卧孔霸懇辭尚猶 又代謝賜批答表 杜牧

諧和令錫宴於仙祠百碎歡竹臣等幸生聖代獲備台階 雖欲殺身豈酬大造無任感恩踴躍之至 右臣某言伏以降談之辰生靈同慶合均天之廣樂九奉 誓當戮力盡瘁粉骨捐驅知無不為見死寧避冀答君親 不令徇志且遣守官大君之成命已行微臣之丹惡不遂 重り ミノコーラニーヨー 之至謹奉陳謝以聞 生成之德用附乾坤覆育之恩無任感激血誠慙惶戰越 壽昌節宴謝賜音樂狀 又謝賜茶酒狀

之至 欽定全唐文、卷七百五十 拳奇之態燈光爛火何神日月之明弱質孤根但荷乾坤 代勞之駁馬內棧之風雲尚隨實軸與絲綸之言逸足轉 臨旨酒名茶玉食仙果來於御府莫匪天慈適口忘憂已 滿小人之腹殺身粉骨難酬聖主之恩臣無任感恩忭躍 生逢聖代竊位嚴原奉告令之部書丹霄之雨露猶濕錫 右中使某至奉宣聖旨賜臣告身一通馬一匹并鞍轡臣 石臣某等言伏以大慶吉辰榮霑錫宴鴻恩繼至王人薦 又代裝相公謝告身鞍馬狀 杜牧 圭

為記共成一篇既得精詳必無遗漏付與史氏便得直書 時移數刻退朝循省執筆讚論但記出已之辭或忘同列 之對若獻替之說或關則史策之書不詳臣今商量每閣 印字臣盡書其日德音及字臣奏事送付史館名時政記 内奏事及延英對迴陛下所降德音字臣所奏公事人自 史官憑此編入簡策伏以數陳時政承奉聖旨事非 右舊例牢臣每於閣內及延英奏論政事及退歸中書知 之德殺身寧報撫已知慙無任威恩忭躍懇悃之至 論問內延英奏對書時政記狀 端

悚之至 伏乞天恩永爲常式 大きというと 紀干眾所寄撰韋丹遺愛碑文人事絲絹三百疋者恩隨 縱聖赫日資明大獎功勞不計存沒舉章丹江西之績特 者更家恩私廣受絲帛捧戴兢惕無地容身不勝感恩慙 令微臣撰碑墮淚之思豈慙羊枯黃絹之妙實愧蔡邕今 幸至祭與利并抃躍慙惶罔知所措伏惟皇帝陛下皇天 右今月十八日中使某至奉宣聖旨令臣領江西觀察使 謝許受江西送撰章丹碑綵絹等狀 杜牧

列正羞者二十六豆酒傾瑶罋食置雕盤列圭組以成行 具官臣某等言遲日正麗廣場洞開張仙樂者三千餘 伏俟德音輕賣宸嚴無任戰越之至 竊以三事大僚百司庶府願持玉巵上千萬壽未敢專擅 地容堯仁舜孝四海波靜三春物華故於形庭大開錫宴 具官臣某等言伏惟聖敬文思和武光孝皇帝陛下天覆 金の日かつ、オートコー 金罍以為勞屬壓而止飽德以歸旣醉太平之風共樂 宴畢殿前謝辭 内宴請上壽酒 

**微臣所志已極滿盈豈意鴻澤重露錫資殊等朱綠元黃** 感恩之至 歡呼抃躍不能自勝 前件官執德以進鄉道而行萬有令名備思清貫掌綸言 具官臣某等言叨陪錫宴竊親鉤天百品並陳三酒皆具 仁壽之城千年一 之網絲精金文錦之珍奇捧戴自天放處無地不勝抃躍 謝賜物狀 代人舉周敬復自代狀 遇百辟同數臣等備位台司親逢聖日 让牧

令名當為諫官無所避忌及領藩鎮實惠疲羸頃者不 伏準某年月日勒內外文武常察官上後三日宜舉一 自代者伏以前件官仁義素彰文學早者揚歷臺閣宣昭 銀 足 全 唐文 卷七百五十 實天下根本兩丞為百司管轄苟非其選必致敗官今若 質不虚受伏乞天恩允臣所請 於西掖才稱發揮參密命於內庭果推忠慎自拜船近侍 以臣所任迴授敬復庶能肅清臺閣提舉紀綱旣曰陟明 王鑰東門聲實益重於指伸磨涅始彰其堅白伏以南省 代人舉將係自代狀

欽定全唐文人卷七百五十 詢於黃者之徒以為異事慰示天下長育人村魚頡鴻冥 祭耀闔門捧戴生光放處無地聞於白屋之輩皆願殺身 無不信順皆有程品指尚不遺微賤特降慰海重疊滿幅 茶敢伏以相公自專魁柄一闡大散鎮撫四夷訓導百吏 虚受實爲防明伏乞聖慈允臣所請謹狀 時事職業實重選擇宜精今若以臣此官迴與蔣係既不 權臣例遭左官今逢明代猶典小州伏以封還詔書較 婚邱中島上之隱皆可以結戀隨指效用盡心接地際 上鄭相公狀 杜牧 茜

大革土風虾養波贏抑挫豪猾備職者思勵其已業官者 来故伏以近日當州人吏往來及諸道賓客行過皆傳相 懇悃之至謹狀 天日出月入盡得臣妾無不謳歌着生禺禺實有所望某 公以淮海之地災旱累年仁憫之心憂念深切廣求人褒 用其能鰥寡孙惸飛沉動植仁煦必及惠愛無遺吏不 欺法能必束上行下效家至户到問里安泰史冊未開 門骨肉皆受恩知效命之誠憑血自誓無任攀戀感激 |准南李相公米

當道每數未路難循進退唯艱憤悱無告令者大君繼統 某故人惟樸椒材實朽下三年僻在七換星霜拘攣莫伸 竊以聖上倚注旣深相公勲業愈重況兹異政即達宸聽 將欲漁釣 抑鬱誰新每遇時移節換家遠身孤弔影自傷向隅獨泣 結之至謹狀 固在旬時某添跡門牆不勝抃躍攀望來戦下情無任戀 伏料窮邊絕塞將議息兵宣室明庭必思舊德重秉鈞軸 吏部高尚書狀 整栖遲一邱無易仕之田園有仰食之骨內 土女

有爲也是小人忘生殺身之地刳陽奉首之報今得之 其光樂不能踰越禮曰君子愛其死以有待也養其身以 雖嚴滌昏蒙而無術實多機闕每賴恩容敢望尊嚴特自 如生羽翰全忘鼠循忽欲鳥舉雖闕下一召歲中四遷校 賢相秉鈞遗墜必舉髦雋並作伏惟尚書秩高天爵德冠 褒舉手示遠降羈魂震驚感激彷徨涕淚迸落便無跛倚 至於小人最為凡器頃者幸以屬郡祇事廉車奉約東而 人倫為措紳之紀網作朝廷之標表凡遊門館莫非雋賢 何求馬江山絕域登臨已秋猿吟鳥思草表木墜黎侯

焦慮公以愚恐敗悔仍有嗜酒多睡風於其間是數者相 某故某比於流輩疎闊慵怠不知趨嚮唯好讀書多忘為 同塵迴望門船涕戀唯積起居末由無任血誠懇悃之至 遭於多忘格卑之中書不得日讀文不得專心百不速人 文格卑十年為幕府吏每促東於簿書宴遊問刺史七年 寓衛有式微之詩趙王遷房創山木之詠流落多戚今古 病弟孀妹百口之家經營衣食復有一 飲定全喜文·卷七百五十 狀 刑部崔尚書狀 杜牧 一州賦訟私以貧苦 Ę

哉今者欲求為教於大君子門下尚可以為文而為其禮 はかいストニップニーニー 詩所謂有硯面目視人罔極者也謹敢繕寫所為文凡二 所尚紫復不能尺寸鉄兩自强自進乃庸人輩也復何言 丁首伏地汗椒不知所云謹狀

次定全事文學卷七百五十一目錄	上鹽鐵裴侍郎書	上河陽李尚書書	答莊充書	投知已書	與池州李使君書	上宣州崔大夫書	<b>杜牧四</b>	欽定全唐文卷七百五十一目錄
								新文藝出版社藏書

		授司勛員外郎謝宰相書	上澤潞劉司徒書	上門下崔相公書	上李太尉論江贼書	上李司徒相公論用兵書	スヨック・ファーフェー
			•				-

عامين سند

.

٠.

.

門下後進之士推得失去就於分寸鉄黍間多是其人也 欽定全唐文 卷吉五十 杜牧 藩鎮之貴土地兵甲及生殺與奪在一出口終日於高與 自持者無不願受問下迴首一顧舒氣快意自以滿足今 某再拜問下以德行文章有位於明時如望江漢見其去 辟取當時之名士禮接待遇各盡其意後進絜絜以節義 之沓天光汪澶漫不知其所為終始也復自開幕府已來 欽定全唐文卷七百五十一 牧四 上宣州崔大夫書

幣帛筐館以將其厚意然後忠臣嘉賓得盡其心矣吉日 舒氣快意自以滿足此固然也非敢苟佞其辭以取媚也 知莫不願盡心於閣下壽考福祿祝之無窮某雖不肖則 不知問下俯仰延遇之去就幣帛筐能之多少飲食獻酬 後知後進絜絜以節義自持者無不願受問下迴首 之和樂各用何道閒夜永日三五相聚危言峻論知與不 獨閣下不自矜高不設樂墨曲垂情意以盡待士之禮然 亦千百間其一人數也鹿鳴宴羣臣詩曰旣飲食之復實 日宣王能慎微接下無不盡心以奉其上馬自古雖尊

爲天子未有不用此而能得多士盡心也未有不得多上 君子疾没世而名不稱司馬遷曰自古富貴其名磨滅不 國朝房杜姚宋不足過也某也於流輩無所知識承風望 希問下濬之益深築之益高城鋪之益固使天下之人異 之盡心而得樹功立業流於歌詩也況於諸侯哉夫子曰 大豆三まてどえらり 光徒有輸心效節之志令謹錄雜詩一 日捧問下之德不替今日則為宰相長育人材與起教化 可勝紀靜言思之令人感動激發當寐而寤在饑而飽伏 知盖欲導其志無以為先也往年應進士舉曾投獻 杜牧 卷獻上非敢用此

金号台屋丁美八宝五十一 拜 能忍一同坐與之交語故有知之者有怒之者怒不附口 景業足下僕與足下齒同而道不同足下性俊達堅明心 語亦紫亟稱於時令十五年矣於頑情中為之不已矣於 其事能不稍工不敢再錄新述恐煩尊重無任惶懼謹再 正而氣和飾以温慎故處世顯明無罪悔僕之所禀問畧 可以進取知之而不能行之非不能行之抑復見惡之不 疎易輕微而忽小然其天與其心知邪柔利已偷苟讒諂 與池州李使君書

僕之陽折僕之脛知僕者不能持一飯與僕僕之不死已 幸況爲刺史聚骨內妻子衣食有餘乃大幸也敢望其他 然與足下之所受性固不得伍列齊立亦抵足下疆院 者皆齒少氣銳讀書以賢才自許但見古人行事直當如 此未得官職不親形勢繁繁少輩之徒也怒僕者足以裂 者怒不恬言柔舌道其盛美者怒守直道而建已者知之 八事終日促束不得日出所懷以自曉自然不敢以輩流 閉耳故足下憐僕之厚僕仰足下之多在京城問家事 期足下也去歲乞假自江漢間歸京乃知足下出官之

藝聖人尚以少賤不試乃能多能有藝況他人哉僕與足 以為學自强自勉於未聞未見之間僕不足道雖能為學 賤不為不試矣今者齒各甚壯為刺史各得小郡俱處僻 左幸天下無事人安穀熟無兵期軍須通負諍訴之勤足 足下果不負天所付與僕所期向二者所以為喜且自賀 亦無所益如足下之才之時真可惜也向者所謂俊達堅 也幸甚幸甚夫子曰吾少也賤故多能鄙事復曰不試故 下年未三十為諸侯幕府吏未四十為天子廷臣不為甚 由男於爲義向者僕之期足下之心果爲不緣私自喜賀

之僕常念生百代之下未必為不幸何者以其書具而事 學假使聖人復生即亦隨而汨之矣此則不學之徒好出 多也今之言者必曰使聖人微旨不傳乃鄭元輩爲注解 天資足下有異日名聲續業光於前後正在今日可不勉 欽定全唐文學卷七百五十一 如周公夫子親授微旨然後為學是則聖人不生終不為 坐於游夏之位若使元雖解釋不足為師安得聖人復 之罪僕觀其所解釋明白完具雖聖人復生必擊置數子 明 一件左小郡有衣食無為吏之苦此時之可惜也僕以為 心正而氣和飾以温慎此才之可惜也年四十為刺 杜牧 四

見聞乃能為聖人也諸葛孔明曰諸公讀書乃欲為博 開能不亡失而思念至也楚王問萍實對曰吾往年問重 其短長十得四五足以應當時之務矣不似古人窮天鑿 未必為不幸也夫子曰三人行必有我師馬此乃隨所見 大言欺亂常人耳自漢已降其有國者成敗與廢事業踪 元蹋於無蹤算於忽微然後能為學也故曰生百代之下 此蓋滯於所見不知適變名爲腐儒亦學者之一病僕 而知之此乃以童子為師耳既參之於上古復酌之於 一億萬青黃白黑據實空有皆可圖畫考其來由裁

這僕自知頑滯不能苦心為學假使能學之亦不能出而 次定在自大一大三月五二 施之懇懇欲成足下之美異日既受足下之教於一官 之過此亦學者之一病也如足下天與之性萬萬與僕相 局而無過失而已自古未有不學而能垂名於後代者足 不以悄然是非貯之邪氣不能侵慎防是晚多食大醉繼 下勉之大江之南夏候鬱溼易生百疾足下氣俊胸臆間 亦可以為一家事業矣但隨見隨忘隨聞隨廢輕目重耳 自元和已來以至今日其所見聞名公才人之所論討典 刑制度征伐叛亂考其當時參於前古能不忘失而思念 杜牧

尺寸之用泛泛然求知於人知則不能有所報不知則然 烈士義夫有才感其知不顧其生也行無堅明之異才無 知我者以春秋罪我者亦以春秋此聖人操心不顧世人 飲其他無所道某再拜 夫子可不怨天不尤人下學而上達知我者其天乎復日 之是非也柱厲叔事皆敖公莒敖公不知及莒敖公有難 豫讓謂趙襄子曰智伯以國士待我我以國士報之此乃 柱屬叔死之不知我則已反以死報之蓋怨不知之深也 投知己書

求知於人已或有知之者則藏縮退避唯恐知之深蓋自 人唯審已求知也太和二年小生應進士舉當其時先進 苟不知未當退有懟言怨色形於妻子之前此乃比於衆 度無可以為報效也或有因緣他事不得已求知於人者 果人者審已切也審已之行審已之才皆不出象人亦不 此乃衆人之心也聖賢義烈之士既不可到小生有異於 師事已即返當所謂喧而舉之為知已者多已顯貴未當 之士以小生行可與進業可與修喧而譽之爭為知已者 不啻二十人小生週來十年江湖間時時以家事一抵京 让发

欽定全唐文·卷七百五十一 思之而不自知其然也若蒙待之以衆人之地求之以衆 報問下之德是以自承命以來審己愈切撫心獨驚忽忽 之上齒於數子之列乎無攀綠絲髮之因出特達倜儻之 藏縮尚免寒饑爲幸耳昨李巡官至忽傳問下旨意似知 姓名或欲異日必錄在門下閣下為世之偉人鉅德小生 自愧於心欲持何說復於知已之前為進拜之資乎默默 獲進謁一陪辦享則亦榮矣況欲異日終置之於楊席 小生自度宜為何才可以塞問下之求宜為何道可以 到其門何者自十年來行不益往業不益修中夜忖量

堪任伏恐問下聽聞之過求取之異敢不特自發明導說 發盛德止此而已其他望於古人責以不及非小生之所 書之間知無不爲為不及私亦或能提筆伸紙作詠歌以 欽定全唐文 卷七百五十一 某白莊先輩足下凡為文以意為主以氣為輔以辭彩章 句為之兵衛未有主强盛而輔不飄逸者兵衛不華赫而 不知所裁某恐懼再拜 人之才責之以衆人之報亦庶幾異日受約束指額於簿 一開閉下視聽其他感激發憤懷愧思德臨紙汗發 杜牧

飾衆隨湯武騰天潛泉橫裂天下無不如意苟意不先立 莊整者四者高下圓折步驟隨主所指如鳥隨鳳魚隨龍 止以文彩辭句繞前捧後是言愈多而理愈亂如入關聞 後辭句慕古而尚仁義者苟為之不已資以學問則古作 者不為難到今以某無可取欲命以為序承當厚意惕息 高意不勝者醉愈華而文愈鄙是意能遣辭辟不能成意 紛然莫知其誰暮散而已是以意全勝者醉愈朴而文愈 大抵為文之旨如此觀足下所為文百餘篇實先意氣而 不安復觀自古序其文者皆後世宗師其人而為之詩書

某再拜 欽定全唐文 卷古五十 當其時亦未當自有誇目況今與足下並生今世欲序足 也豈求知於當世哉故親見楊子雲著書欲取覆醬敬雄 觀之聲勢光明孰若馬遷相如賈誼劉向揚雄之徒斯人 志於言求言遇於後世也自兩漢以來富貴者干百自今 伏以三城所治兵精地要北鏁太行東塞黎陽左京河 春秋左氏以降百家之說皆是也古者其身不遇於世寄 下未已之文此固不可也苟有志古人不難到勉之而已 上河陽李尚書書 杜牧

後急於觀書已禁七關取龍城緝為郡縣今親誅虜收其 彰臣下明明無不知之伏自尚書樹立銀鍊教訓揀拔法 屈指延頭竹觀德政況聖主掀擢豪俊考校古今退朝之 事不可一二悉數伏以尚書有才名德望知經義儒術加 指為重輕自艱難已來儒生成名立功者蓋寡於前代是 以儉克好立功名今橫據要津重兵在手朝廷縉紳之士 下不使不貢不觀之徒敢自專擅此實聖主之心事業已 壯健不學之徒不知儒術不識大體取求微效終敗大 田取其良馬為耕戰之具西復凉州東取河朔平

知成功立事非大儒知今古成敗者不能為之復使儒生 欽定全唐文《卷七百五十 服正在今日某多病早衰志在耕釣得一二郡資其遐 舒展胸臆得以海導壯健不學之徒指蹤而使之令其心 桁尺寸取於古人若受指顧必立大功使天下後學之徒 矣下情日增瞻仰戀德之切某恐懼再拜 權勢干求固難悉議停替其於利病豈無中策某自池州 伏以鹽鐵重務根本在於江淮今諸監院頗不得人皆以 以活骨肉亦能作為歌詩以稱道盛德其餘息心亦已久 一鹽鐵裝侍郎書 杜牧

告訴每州皆有土豪百姓情願把鹽每年納利名曰 身行不在須得父母妻兒錮身驅將得錢即放不二 盡恐逃亡今譬於常州百姓有屈身在蘇州歸家夫得便 來被散將盡以監院多是誅求一年之中追呼無已至 睦州實見其弊盖以江淮自廢臨後以來凡有宽人無 随商被臨平監追呼求取直是睦州刺史亦與作 非裹四千里糧直入城役使即須破散奔走更無他圖 以蘇州下狀論理披訴至如睦州百姓食臨平監鹽 此之流雨稅之外州縣不敢差役自罷江淮審後

者至大今若蒙侍郎改革前非於南省郎吏中擇一清慎 欽定全唐文《卷七百五十一 即自嶺南至於汴宋凡有冤人有可控告好贓之輩動而 諸監院皆是以貨得之恣為奸欺人無語路況上鹽商皆 有畏數十州土鹽商免至破滅除江淮之大殘爲侍郎之 為除煩去冗不知其弊及於疲羸即是所利者至微所害 是州縣大户言其根本實可痛心比初停罷團後衆皆以 別無赴訴今有明長吏在上旁縣百里尚敢公為不法況 其間搜求脊徒鍼抽縷取干計百校唯恐不多除非吞聲 依前使為江淮萬後減其胥吏不必一如向前多置人數 杜牧

再拜 板簿每年輸檢自差欲有使來先行文帖尅期令至不揀 有語後若有語後其間百事自能申狀語呈安得貨財表 陰德以某愚見莫過於斯若問於鹽鐵吏即不欲江淮别 有吏才條疏牽夫甚有道理云其當縣萬户已來都置 汴州境内最弊最苦是牽船夫大寒虐暑窮人奔走斃踣 裏計會分其權力言之可知伏惟俯察愚衷不賜罪責某 不少某數年前赴官入京至襄邑縣見縣令李式甚年少 與汴州從事書

終日牵船今即自以板簿在手輪流差遣雖有點更不 縣令付案按司出帖分付里正 置板簿若要使役即自檢自差不下文帖付縣若下縣 有使來即出帖差夫所由得帖富豪者終年閉坐貧下 用情某每任利史應是役夫及竹木瓦磚工巧之類並 付價直不令所有欺閱一縣之內稍似蘇息蓋以承前 貧富職掌 如有遠户不能來者即任納錢與於近河雇夫對面 帖懷中藏卻巡門掠敛 切均同計一年之中一縣人戶不著兩度 鄉只要兩夫事在 偏貧者即被差來若 分

懼再拜 伏覩明詔誅山東不受命者廟堂之上事在相公雖的 役不平詩云或極遲偃仰或王事鞅掌此盖不平之故具 史不置簿籍一一自檢即好胥食冒求取此最為甚其恐 深誠不覺亦及拙政以為證明豈敢自述今為治患於差 襄邑李式之能可以惠及夫役更有良術即不敢知以某 欽 定全唐文《 若七百五十一 愚見且可救急因襄邑李生之績效知先輩思報幕府之 在手中巡次差遣不由里胥典正無因更能用情以此 一李司徒相公論用兵書

是多般客軍及二年已後客軍殫少止與陳許河陽全 為客軍每有戰陣客軍居前主人在後勢廳力弱心志不 復言其不被之由是徵兵太雜耳偏徵諸道兵士上不過 其以三州之衆四歲不破之由重質自誇勇敢多算之外 賜聽覺某大和二年為校書即曾詣准西將軍董重質 之謀算畫已定而賤末之士獨蕘敢陳伏希拾其狂愚 五千人下不至千人旣不能自成一軍事須帖附地主名 既居前列多致敗亡如戰似勝則主人引救以為已功 不勝則主人先退至有殲馬初戰二年已來戰則必勝

為天下之兵莫我與敵父子相勉僅於兩世根深源闊 之固難夫上黨則不然自安史南下不甚附隸建中之外 其人味為寇之腴見為寇之利風俗益固氣歌已成自以 義於激上多殺官軍四萬餘人輪聲財穀數月不盡是以 無蔡州矣今者上黨之叛復與淮西不同淮西為寇僅 欽定全唐文 卷吉五十 時朝廷若使鄂州壽州唐州祇令保境不用進戰但用 鄭滑两道全軍帖以宣潤弩手令其守監即不出 歲破汴州襄州襄城盡得其財貨輸之懸瓠復敗韓 搏縱使唐州軍不能因雪取城蔡州兵力亦不支矣其

苦之軍橫折河朔疆梁之衆貞元中節度使李長策卒中 皓亦必敬事中使言面奉進旨只令此軍取大將授與節 取人合是希皓但作節度使不得若朝廷以一東草來希 希皓為眾所服中使將以手詔付之希皓言於眾曰此軍 使提詔授與本軍大將但軍士附者即授之其時大將來 欽定全唐文·卷七百五十 潛與監軍相結超出伍曰若來大夫不肯受詔某請且勾 當此軍監軍日虚中丞若肯如此此亦固合聖旨中使因 每奮忠義是以即公抱真能窘田悅走朱滔常以孤窮寒 朝廷不别除人希皓固辭押衙盧從史其位居四下因 杜牧 置

覲天下無事柄廟算者議必銷兵雄健敢勇之士百戰 義兒三千一取約束及河陽取孟元陽為之統帥一軍 義兒與之唱和其餘大將王翼元烏重允第五釗等及長 主催 行兵士並不同心及至被擒烏重允坐於軍門喻以禍福 兒二千人日夕煦沫及父虔死軍士畱之表請起復亦只 探懷取詔以授之從史捧詔再拜舞蹈希皓迴揮同列使 面稱賀軍士畢集更無一言從史爾後漸畜奸謀養義 可以盡見及元和十五年投與劉悟時當幽鎮 月日曾無犬吠光於他謀以此證驗人心忠亦習

鎮停解至多是以天下兵士聞之無不忿恨至長慶元年 往往許語及温起居立於重榻大布思旨并疏昭義 叛使温起居造宣慰澤潞便令發兵其時九月天氣已寒 攻之勞坐食租賦其來已久一旦點去使同編户紛紛諸 自七十餘年忠義戰伐之功勞安史已還叛逆滅亡之明 四方全師未須中冬衣服聚之授韶或伍或離垂手强項 處敗北唯昭義一軍於臨城縣北同果堡下大戰殺賊 效辭語既畢無不惟呼人衣福褐爭出效命其時用兵處 月幽鎮乗此首唱為亂昭義一軍初亦鬱佛及詔下誅 杜牧

金 完全 唐文 卷七百五十 張汝之故自謂不潔淋頭竟至羞死爾 取軍人忌怒遂至大亂非悟獨能使其如此劉悟卒從諫 亂殺大將磁州刺史張汶因每監軍劉承階盡殺其下 千餘人所殺皆樓下步射搏天飛者財之精勇無不殲馬 求繼與扶同者只鄆州隨來中軍二千耳其副倅賈直言 贼中大震更一月日田布不死贼亦自潰後一 入責從諫日爾父提十二州地歸之朝廷其功非細祇以 此實承階侮媒一軍侵取不已張汝隨王承元出於鎮 久與昭義相攻軍人惡之汝旣因依承階謀欲殺悟自 孺子安敢如此 月其軍

譬之兵仗朝廷委任之重必宜盡節以答殊私魏博承風 多故因以授之今幾二十餘歲風俗未改故老尚存雖欲 劫之必不用命伏以河陽西北去天井關强一百里關隘 從諫恐悚不敢出言 司徒代居反側思一自雪況聯姻戚願奮可知六十年相 士素非精勇戰則不足守則有餘成德 其口高壁深塹勿與之戰忽有敗負勢騰洛師蓋河陽軍 多山井不可繁雖有兵力必恐無功若以萬人為壘下室 世與昭義為敵訪聞無事之日村落隣里不相往來今王 軍開之皆陰然直言之說值實思 一軍自六十年

欽定全唐文《卷七百五十 必取之策在於西面今者嚴緊塞之守備謹白馬之限防 度使多在那州名為就糧山東糧穀旣不可輸山西兵士 終州路直東徑入不過數日必覆其巢何者昭義軍糧盡 亦必單鮮壽虚之地正在於此後周武帝大舉伐齊路由 在山東澤路雨州全居山内土瘠地狹積穀全無是以節 祇以忠武武寧兩軍以青州五千精甲宣潤二千弩手由 而已必不能肯二十城長驅上山徑壽上黨其用武之地 亦當效順然亦止於圍一城攻一堡刊木堙井係累稚老 河陽吏部宇文敬曰夫河陽要衝精兵所聚盡力攻圍恐

符至遣將王猛伐後燕慕容偉大破偉將慕容評於路州 周名將章孝寬齊王攸常鎮敷州玉璧城故東西相伐每 大臣白星と一大三丁三十 因述城之路亦由此北齊高數再攻後周路亦由此而後 此帝不納無功而還後復大舉竟用歌計遂以減齊前秦 難得志如臣所見彼汾之曲戌小山平用武之地莫過於 廟算深遠北虜即日敗亡儻使北虜至今尚存公邊循須 取貴欲速擒免生他患昨者北處才畢復生上黨賴相公 由此路以古為證得之者多以某愚見不言劉稹終不能 轉戰迴顏上黨豈能討除天下雖言無事若上黨久不能 杜牧

金をとうようとえいてヨコ 法東倉康懦立有司各敬其事在位莫匪其任雖九官事 伏以太尉持柄在上當軸處中未及五年一齊四海德振 於相公果受恩最深竊敢干冒威嚴遠陳愚見無任戰汗 孫子曰兵聞拙速未覩巧之久也伏聞聖主全以兵事付 解别生患難此亦非細自古皆因攻伐未解旁有他變故 本今有大患是劫江賊耳某到任總九月日尋窮詢訪實 某域首再拜 人佐周校於太尉未可爲比伏以江淮賦稅國用根 上李太尉論江賊書

次定全事文义 卷七百丘十一 皆云賒死易就 繡繒纈金釵銀釧入山交易婦人稚子盡衣華服吏見 鎮戌例皆單弱止可供億漿若呼召指使而已鎮戌所 唯有茶山可以銷受蓋以茶熟之際四遠商人皆將錦 、見不驚是以賊徒得異色財物亦來其間便有 物盡將南渡入山博茶蓋以異色財物不敢貨於城 、始肯行劫劫殺商旅婴孩不畱所劫商人皆得 索得茶之後出為平人三二十人挾持兵仗 不捉事敗抵法謂之除死與賊 杜牧 两船百人五十人下不减 -

逦 聚徒黨水劫不便逢遇草市泊舟津口便行陸劫白晝 故贼云以茶歷身始能行得凡千萬輩盡販私茶亦有已 市殺人取財多亦縱火唱掉徐去去年十月十九日劫池 淮草市盡近水際富室大户多居其間自十五年來 以來頻於鄰州大有劫殺沉舟滅跡者即莫知其數 青陽縣市凡殺六人內取一人屠朝心腹仰天祭拜 江北凡名草市劫殺皆編只有三年再切者無有 拒立見殺害謂之就死若或人少被捉罪抵止於私 一劫之後州縣糜貴所由尋捉烽火四出凡是巫

人多被恐衛求取之外思響並行追逮證驗窮根尋禁於 汴朱州賊多劫江南淮南宣潤等道許蔡申先州賊多劫 荆襄鄂岳等道劫得財物皆是博茶北歸本州貨賣循 人中二十人悉是此輩至於真賊十人不得一 钦定全喜文 卷七百五十一 杜牧 死免之則蹤跡未白殺之則贓狀不明一獄之中凡五上 往來終而復始更有江南土人相為表裏校其多少十 其半蓋以倚淮介江兵戈之地為郡守者罕得文吏村 滿路往年充塞四五月後炎鬱蒸濕一夫有疾染習多 落皆有兵仗公然作財十家九親江淮所由此不敢 一濠亳徐泗

爲四十船擇少健者爲之主將仍於本界江岸叛立管壁 齊去分得涓毫雄健聚 騙之徒盡不能獲為江湖之公害 置本判官專判其事揀擇精銳牢為舟掉畫夜上下分番 作鄉間之大殘未有草釐實可痛恨今若令宣潤洪鄂各 其間所能捉獲又是沿江架船之徒村落負擔之類臨時 渡盡絕江中有兵安有烏合蟻聚之輩敢議攻到或目 巡檢明立殿最必行賞罰江南北岸添置官渡百里率 きょとリニ ラコヨニ 絕私載每一 百人淮南四百人每船以三十人為率一千二百人分 一宗船上下交送是桴鼓之聲千里相接

今者自出五道兵士不要朝廷添兵活江湖賦稅之鄉絕 連海羣盗如麻縣雨絕越不可尋逐無關可閉無要可防 寇盜劫殺之本政理之急莫過於斯若此制置凡去三害 戎長傾東南物産供百萬口況長江五千里來往百萬 日殺不喜水滿冤骨至於嬰稚曾不肯題為伯殺的童子 欽定全唐文一卷七百五十一 而有三利人不冤死去一害也鄉間獲安無追逮證驗 苦去二害也每擒 征滅之盖以童子無知而殺之王者不捨其罪令長江 太大不假如此答日今西北邊禦未來之寇備向化之 一私茶城皆稱買賣停泊态口點染鹽 杜牧 丸

尋源在劫賊耳故江西觀察使裝置召得賊帥陳璠署以 鐵監院追擾平人搜求財貨令私茶盡點去三害也商旅 **撷茶之饒盡入公室獲三利也三害盡去三利必滋窮根** 悉皆委任至今陳璠每出彭蠡湖口領徒東下商船百數 軍中職名委以江湖之任陳璠健勇分毫不私自後康察 隨播行止播去之後惘然相甲安有清朝盛時太尉在位 通流萬隻不乏獲一利也鄉間安堵狴犴空虚獲二利也 反使萬里行旅依一陳璠某詳觀格律勃條百二十卷其 制置無不該備至於微細亦或再三唯有江寇未當言

皆歸太斜敢率恩衷上干明慮冀神億萬之一無任戰汗 於定全唐文 卷上百五十一 惶懼之至某謹再拜 者不失鉄黍受威烈懾但者蚓縮魚藏百職率治中外平 及今四夷九州文化武伏奉貢走職罔不如法言其功他 有信誓王侍中生於其間稱為健縣奔馬潛出不敢迴頓 天生相公輔仁聖天子外齊武事內治文教被權衡稱量 三齊舊風振天下飾道重弓束矢大刀長矛不受指揮自 伏惟相公功德無與為比往者彭城驕强頑卒數萬聯 上門下崔相公書 杜牧 手

高僕射寬厚聞名能治軍事舉動汗流拜於堂下及乎不 洛東下漕挽行役出泗上者稚長相賀藩鎮欲生事樹 受李司徒鬱食其使者風波不迴氣勢已去自淮北渡由 東無不手垂目瞪露刃弦弓偶語腹非或離或伍相公氣 者橫激旁構廟堂謀議不知所出相公殿一家僮馳入萬 士榮顯之效皇威金湧於言下狼心頓革於目前然後 )威驅恩收禮訓法束一年人畏二年人愛三年化成哉 根節銷磨頑礦日教月化水順雪釋吐飯飽之解衣暖 其驕文誘其順指示叛臣賊子覆滅之蹤鋪陳忠臣義 剔

欽定全唐文 卷七百五十一 以此校之斯過古人萬萬遠矣復自持統大相開張教 非善者也百戰百勝非善之善者也能不戰而屈人之兵 乃善之善者也是相公手攜暴虎貪狼化為耕牛乗馬退 見勝不過衆人之所知非善之善者也戰勝而天下曰善 也雖疏爵上公裂土千里其酬尚薄此必然之說也故日 人天下固已困矣而天下議者必日某名將也某善用兵 起徵兵數十萬大小且百戰然後傅其壘鉤其垣得其罪 十萬兵解天下之縛祇於談笑俯仰燕享筆硯之間 邦俗同三輔當此之時遲迴之間有勇力者 杜牧 丰 唱而

窮天下孰不幸甚某解守荒郡亦被陶鈞齒髮甚壯志尚 未衰敢不自强冀得天造無任感激悃懇之至某恐懼 遠近率職奉法不聞其他如周有召穆公仲山甫漢有魏 家有天下二百三十餘年盛溢兩漢功侔三代今復生相 怨嗟是以天下帖泰蝗死災去饑人復飽流人復安內外 公輔佐仁聖天子天時人事即自將來福禄昌熾卜之無 外制四夷內循百度長育人村與起頹弛心迎志釋問有 那吉國朝姚宋二公文事武事居中處外罔不是倚

欽定全唐文《卷七百五十 燕蟠趙伏用齊卜我當此之時一年不能勝則百姓半流 海北河南泰山課賦三千里料甲一百縣獨據一面橫挑 半夜與義味旦而齊族矣疆土籍口探出僭物重實仰關 雖使鐵偶人為六軍取不孔易況席在蔡之弊天下消耗 則重將軍豈能讓馬昔者齊盗坐父兄之舊將七十年來 今日輕重望於幾人相位將權長材厚德與輕則輕與重 二年不能勝則關東之國敦知其變化也將軍一心仗忠 天下利則伸鈍則滿鏃而不發約在子與孫血絕而已此 一澤潞劉司徒書 杜牧 Ē

**「巷上是以趙一摇燕一呼爭來汗走一日四海庫廓然無** 守潞爲僕射乃作司空乃作司徒爰開丞相府平章天下 事矣伏惟將軍之功德合誰比哉是以初守滑臺為尚書 馳其精良不三四日與魏決於漳水西不五六日與趙合 干里不貢不觀私聽妻子王者在上此輩何也今者上 矣合者上黨足馬足甲馬極良甲極精後負燕前觸魏側 將軍德於國家甚信大國家復之於將軍雅亦無與為大 肘趙彼三廚屠囚天子者老劫良民使叛銜尾交頭各蟠 銀躐等縣得富貴古今之人亦以爲將軍止此而已矣

健忠寬信義知機便多算畫攻必巧戰不負能使萬人樂 於泜水東紫太原排飛狐緩不二十日與熊遇於易水南 綠位富貴休顯宜驅三族上校恩澤宜出萬死以副倚注 此天下之郡國足以事區區於忠烈無如上黨者明智武 始者將軍賴齊然後得禄仕入卧內等子弟一身聯齊累 世之逆卒境上爭首其恩甚厚其勢甚不便將軍以爲大 天下之人亦無如將軍者是將軍負天下三無如之望也 死赴敵足以事區區於忠烈天下之人無如將軍者爵號 仁可以殺身大忠不顧細謹終探懷而取之今者將軍負

知卑諸侯之驕久矣是以高才之人不忍及門仁政不施 庇上下一切罔有紕事暨平政庭則將軍不知尊布衣不 是那不宜如是耶是以天下之小人以為將軍始者取齊 申喧請今點而處者四五歲矣負天下之三無如者宜如 桓文之霸也先修刑政然後事事近有山東士人來者咸 限走無窮背有限則安可識之哉其有識者則曰不然夫 見利而動合者安潞見義而止若是則天下利無窮義有 三無如之望上戴天子四海之大以為緩急所宜日夜具 上黨之政軍士兵吏之詳男子敢婦人桑老者養孤者

軍之草木此乃上下萬世烈丈夫口念心禱而求者今將 以不終仰相猛房公之所以垂休則天下之人口祝將軍 次定全喜文、卷七百五十一 遼此二賢當時德業不左諸人尚死而不已蓋以輔君活 之持秦相猛将終戒視後禍大唐太尉房公恐死表止伐 之福壽目睹將軍盛德之形容手足必不敢加不肖於將 仁政來高才若非止暴亂尊九廟峻中與復何汲汲如是 久矣是以暴亂不止若此者將軍是行仁政來高才苟行 邪在漢伯通在晉年之二人功力不寡 — 且誅死人豈宽 人為事非在於伐邀引為心也伏惟將軍思伯通年之所 杜牧

斬死絞死大者三歲小或一日已至於盡死日忠日義則 吳蜀同歡共悲手足相急陳刺死帳下死圍悉死伏劍 罪伏惟十二聖之仁一 軍盡能有之豈可容易而棄哉大唐二百年自外叛者三 某恐懼再拜 有父子同壇兄弟繼踵論罪則日有某功論功則日捨某 切馬此乃盡將軍所識復何云云小人無位而謀當死罪 一餘種大者三得其二小者亦包裹千里燕趙魏潞齊蔡 授司勋員外郎謝宰相書 一何汪汪馬天之校惡滅逆復何切

職當受震駁神魂飛揚撫已自驚喜過成泣藥肉白骨香 迈游魂言於重恩無以過此 自汗泥升於霄漢卻收斤錮令厕班行仍授名曹帖以重 官已過不敢率然請告唯念滿歲得保生還不意相公拔 以睦州治所在萬山之中終日昏氣侵染衰病自意